

# **VPN-MPLS-inut immikkut malitassat**

**- Inuussutissarsiortut -**

**Januar 2014**

## **Imai**

1. Atuisunut malitassat atuuffiat.....	3
2. Pisariaqartinneqartut.....	3
3. TELE-p pilersuisussaaitaanera.....	3
4. Atuisup akisussaaffia.....	4
5. Atuutilerfia.....	4

## **1. Atuisunut malitassat atuuffiat**

Ingerlatseqatigiiffiup akuersissummik pigisaqarnera naapertorlugu TELE-mit neqeroortigineqartumut, TELE-p Inuussutissarsiortunut kiffartuussineranut ingerlatsineranullu Atuisunut malitassanut nalinginnaasunut tapertatut, VPN-MPLS-inut isersinnaanermut inuussutissarsiortunik isumaqatigiissutinut atuisut immikkut malitassaat tulliuttut atuupput. Malitassat imminnut akerleriippata, kiffartuussissutinik atuisunut immikkut malitassat salliutinneqassapput.

Malitassat VPN-MPLS-inut nunatsinni atorneqartunut tunngapput. Kiffartuussineq malitassat uku atorlugit aammattaaq atorneqarsinnaavoq Qallunaat Nunaanni pigineqatigiiffiutigisani piginnittutullu ingerlatsivinni. Kiffartuussissummik allanut pilersuinissani malitassat immikkut isumaqatigiissutigineqassapput.

## **2. Pisariaqartinneqartut**

Atuisunik isumaqatigiissummik matuminnga pilersuinissami pisariaqartinneqarpoq pilersuineq pissasoq TELE-p VPN-MPLS-inut atuisinnaatitsiffiisa iluanni pissasoq. TELE-p sumiiffiit atuisinnaatitsiffii pillugit paasissutissat TELE-mut saaffiginnikkut pissarsiarineqarsinnaapput.

## **3. TELE-p pilersuisussaataanera**

Atuisuuffittut toqqakkamut TELE-p nioqqutigisaanut naqitami, atortorissaarutit taakkulu atuuffii suut atuisup atorsinnaanera takuneqarsinnaapput.

### 3.a. Ingerlatsineq sukkassuserlu

Sukkassutsit sukkanerit aqutugalugit attaveqaasiinerni killiliisoqarsinnaavoq, sukkassutsit taakku illoqarfinni nunaqarfinnilu sorlorni neqeroorutaanerat apeqqutaalluni, kiffartuussissutillu sumi neqeroorutaanera TELE-mut saaffiginnilluni paasiniarneqarsinnaavoq.

TELE-p teknikkimut, aserfallatsaaliuineranut ingerlatsinermullu tunngasut pissutigalugit pisariaqartut nalilerpagu, VPN-MPLS-ip kiffartuussissutigineqarnerini pisariaqartinneqartumik allangortiterissalluni TELE pisinnaatitaavoq, soorlu ilaatigut atuisut atermut, password-imut kodinullu allanut TELE-mit tunniunneqarsimasunut tunngatillugu. Aamma oqartussaasut piumasaqaataannik naammassinnikkumalluni pisariaqartinneqarsinnaasunik allannguinnissamut TELE pisinnaatitaavoq. Allannguinerit ataatillugu atuisup aningaasartuutigisinnasai TELE-p susassarinnilai, tamatumunngalu ataatillugu TELE taarsiissuteqarnissamut piumasaqarfigineqarsinnaanngilaq.

VPN-MPLS-imik kiffartuussissutip teknikkikkut piginnaasaasa kiisalu IP-protokol-ip sananeqaataata kinguneraat, kiffartuussissut aqutugalugu attaveqaatip sukkassusaata nikerarsinnaanera. Sukkassutsit protokol overhead ilanngullugu nalunaarsorneqarsimanissaat kiffartuussissummut atuuppoq.

### 3.b. IP-adresse aalaakkaasoq

Atuisuunerit toqqarneqartumut tunngasumi TELE-p nioqqutai pillugit naqitami takuneqarsinnaavoq, atuisoq IP-adressimik aalaakkaasumik ataatsimik amerlanernilluunniit atuisinnaatitaanersoq. IP-adressit aalaakkaasut TELE-p pigai, atuisumullu atugassanngortitaallutik atuisuunerit isumaqatigiissutaasup atorunnaarnissaata tungaannaat.

Atuisup IP-adressii aalaakkaasut TELE-p allangortissinnaavai, atuneq, ingerlatsineq imaluunniit teknikkimut tunngasut, tassunga ilanngullugu atuisuunerup allamut nuunneqarnera, pissutigalugit tamanna pisariaqartinneqarpat. Allannguinerit pillugit piffissaq siviruserpaq sioqqutsilluni TELE-p atuisoq ilisimatissavaa. Atuisup atortuini il.il. naleqqussaanerit pisariaqartut pissutigalugit aningaasartuutit tamaasa atuisup akiligassarai.

#### **4. Atuisup akisussaaffia**

Atuisutut normu, atuisutut ateq, isissutissaq, IP- adressit kodillu allat TELE-mit atugassanngorneqartut TELE-p pigisarai aammalu atuisuunerup uninnerani utertinneqartutut isigineqarlutik.

Kiffartuussissut aqqutigalugu paasissutissanik taartigiinnerit tamaasa atuisup nammineq akisussaaffigai, atuisullu tamatumunnga tunngatillugu pisuni tamani TELE annaasaqartissanngilaa.

#### **5. Atuutilerfia**

Malitassat uku Naalakkersuisunit akuerineqarput atuutilerlutillu ulloq 14. februar 2014.